

CHANSON NEVEZ

Boked an Eured

(War eun ton anavezet)

Kenta Kouplet

Dont a ran da c'houlen iskus diganec'h, kompagnonez,
Evit ma kanimp eur-boked ma vemp oll assemblez,
Mar plij ganec'h dont d'am selaou, en enor d'an daou den
A zo bet eureujet hirie deus taol ar sakramant. [iaouank]

2^e Kouplet

Beza ze eiz de tremenet aboe ma voan avertisset
Na da zont betek ama evit azista an eured,
Pa voa nav eur hanter zonet hag ar vreg iaouank guisket
Evit mont betek an iliz evit bez eureujet.

3^e Kouplet

Ar paot a enor hag ar plac'h a enor zo en kreiz an ti,
Pa deus groet o c'homplimant, zo prest d'he c'hondui,
Mez homan zo eur plac'h fur, eur plac'h eleuvet mat
A deus astennet he fajou evit mont betek he zad.

4^e Kouplet

Reï a ra d'ezan eur briata deus a greiz he c'halon
Pa deus akordet d'ez i e venediksion,
Disrei a ra deus he mam pehini 'n eus he ganet,
A zo bet en risk he buez deus he lakat er bed.

5^e Kouplet

Reï a ra d'ez i eur briata ha dour 'n he daoulagad :
Petric dall diman skuilh daerrou pa renkan ho kuitat
Kar me zo choajet gant Doue vit chanch posision
O tont d'ho kuitat, ma zud kez, ar glac'haret ma c'halon.

6^e Kouplet

Dont a ran da laret adieu da mi, da mam ha ma zad,
Lec'h ma hon bet maget sansoursi hag ive eleuvet mad,
Lezet ganen ma liberte dont d'an ebad ha d'an dans,
Mes breman renkan dilezi ma holl akustumans.

7^e Kouplet

Chom a rin gant ma labour ha lezel an dansou-ze,
Me bedo an dud da vont brema da di Doue,
Len evit achui ar zermon deus ar fidelite
A zo entre an diou durzunel ar rest deuz ho buez.

8^e Kouplet

Na pa c'hai barz er ker ma c'hai roët ar boket
Da verc'h hena deuz an ti-man zo hirie eureujet,
Ar verc'h hena deuz an ti-man zo eureujet hirie
Ha neus ket eur plac'h er baros, unan ken sur hag hi.

9^e Kouplet

Pebeuz devez kaer evidoc'h hirie eta, greg iaouank.
Partout dre lec'h ma tremenfet ver dec'h obeisant,
Deuz ar parkou hag ar prajou, ve guelet ar zeblant,
Holl a gitafai o labour vit mont d'ho kuele, greg iaouank.

10^e Kouplet

Neuze teulo ar varc'h adourien ha gante peb a baner
En neur dorhai ho daoulagad evit ma velfont skler,
Evit guelet an diou famih zo assamblez uniset,
Evit ober anoudegez deuz ar Marc'had a peus gret.

11^e Kouplet

Na pa velon en pesort stard nem larc'h ar vreg iaouank,
Prest a zini dont de regali deuz a sort e deveus c'hoant
Profitet demeus a deman ho vreg iaouank eureujet,
Ar zun-man zo evidoc'h, mes eben-all ne vo ket.

12^e Kouplet

Souhete ran d'ech ar iec'ched, ive prosperite,
Chanj ha bonheur 'n ho menaj hag union entreze.
Mez mar deu ar maro da lakat fin d'o buez,
Souhaitan d'eze chanj paduz en gloar an eternite.

GUILLERMIC.